

Հ Ա Ն Գ Ի Ս Տ

ԳԵՐԱՇՆՈՐՀ Տ. ՄԱՄԲՐԵ ԱՐՔԵՊԻՍԿՈՊՈՍ ԳԱԼՖԱՅԱՆԻ (1894—1961)

Ամերիկայի Միացյալ Նահանգների Արևելյան թեմի առաջնորդ գերաշնորհ Տ. Սիոն արքեպիսկոպոսը «սրտի խորունկ վշտով» վեհափառ Հայրապետին ուղղված իր հուլիս 17 թվակիր հեռագրով հաղորդում էր գերաշնորհ Տ. Մամբրե արքեպիսկոպոս Գալֆայանի մահը, որը տեղի է ունեցել հուլիսի 17-ին, երկուշաբթի, Մայամիում (Ֆլորիդա, ԱՄՆ)։

Վեհափառ Հայրապետը, որը հովվապետական այցելությամբ գտնվում էր Ստամբուլում, հետևյալ ցավակցական հեռագիրն էր ուղղում Տ. Սիոն արքեպիսկոպոսին.

«Մամբրե արքեպիսկոպոս Գալֆայանի մահվան գույժը Մեր սիրտը լեցուց կսկիծով։ Մեր վերջին ողբույնը և օրհնությունը հանգուցյալին, որ երկար տարիներ նվիրումով և հավատարմությամբ ծառայեց Ս. եկեղեցիին և Մայր Աթոռ Ս. Էջմիածնին։

Աստվածային ողորմություն, խաղաղություն և լույս իր բարի ու արդար հոգիին»։

Վեհափառ Հայրապետի հրահանգով, հուլիսի 23-ին Մայր Տաճարում կատարվում է Հոգեհանգստյան պաշտոն։

Հանգուցյալ սրբազանը ծնվել էր Թուրքիայի Զմյուռնիա քաղաքում 1893 թվականին։ Ավագանի անունը եղել է Արամ։ Նախնական կրթությունը ստացել է տեղի ազգային վարժարանում։

Համաշխարհային առաջին պատերազմի տարիներին անցնում է Կահիրե, ուր աշխատում է ֆրանսիական դրամատան մեջ։ Այնուհետև արձանագրվում է ֆրանսիական լեգեոնի մեջ որպես կամավոր։

1920 թվականին մտնում է Երուսաղեմի հայոց Ս. Հակոբյանց վանքի ժառանգավորաց վարժարանը՝ կուսակրոն հոգևորական դառնալու մտադրությամբ։

1921 թվականին սարկավագ է ձեռնադրվում, իսկ 1923 թվականին՝ արեղա, օծա-



կից ունենալով Տ. Կյուրեղ արքեպիսկոպոս Իսրայելյանին, ձեռամբ Տ. Մկրտիչ եպիսկոպոս Աղավնունու։

1923 թվականին նորրնծա՝ արեղա՝ նշանակվում է Յաֆայի հայոց Ս. Նիկողայոս վանքի ժամարար, ուր պաշտոնավարում է մինչև 1925 թվականը։

Այնուհետև 1925—1927 տարիներին պաշտոնավարում է Մարսելում, որպես հոգևոր հովիվ, գերաշնորհ Տ. Գրիգորիս եպիսկոպոս Պալաքյանի ձեռքի տակ, ուր և ստանում է մասնավոր վարդապետության աստիճանը։

1927 թվականին հրավիրվում է ԱՄՆ, որպես Յունիոն Սիտիի Ս. Խաչ եկեղեցու հովիվ։

1932 թվականին ծայրագույն վարդապետության աստիճան է ստանում Ղևոնդ արքեպիսկոպոս Դուրյանից, և ապա, վերջինի սպանությունից հետո, նշանակվում է առաջնորդական փոխանորդ ԱՄՆ-ի հայոց Արևելյան թեմին։

1935 թվականին եպիսկոպոս է ձեռնադրվում Ս. Էջմիածնում Տ. Խորեն Ա. Մուրադ-
բեկյան կաթողիկոսից:

1942 թվականին ընտրվում է Կալիֆոռ-
նիայի հայոց թեմի առաջնորդ և պաշտոնա-
դրվում է մինչև 1946 թվականը:

1947 թվականին հրավիրվում է Լոս Անջե-
լիսոսի Ս. Խաչ եկեղեցու հովվության:

1952 թվականին նշանակվում է Կենեկ-
ի թեմի կաթողիկոսի և Պետերսոնի եկեղեցիների հոգևոր
խոհոսի:

1954—1958 թվականներին ընտրվում է
ՄԱԱՄՆ-ի հայոց Արևելյան թեմի առաջնորդ:

Հուլիսի 22-ին, շաբաթ օրը, եպիսկոպո-
սական Սեյնտ Զան դը Դիվայն եկեղեցում
պատարվում է հանգուցյալ սրբազանի վեր-
միջին օծման ու թաղման արարողությունը

առաջնորդ գերաշնորհ Տ. Սիոն արքեպիս-
կոպոսի նախագահությամբ, որն իր դամբա-
նականում անդրադառնում է հանգուցյալ Տ.
Մամբրե արքեպիսկոպոսի կյանքի և գործու-
նեության վրա:

Դամբանական է խոսում նաև գերաշնորհ
Տ. Սկեյֆ եպիսկոպոսը:

Հանգուցյալ սրբազանի աճյունը ամփոփ-
վում է Ֆրոնթիֆի գերեզմանատանը:

Հանգուցյալ Տ. Մամբրե արքեպիսկոպոս
Գալֆայանը Հայ եկեղեցու բարձրաստիճան
հոգևորականներից մեկն էր, սիրված իր ժո-
ղովրդից, հարգված օտար եկեղեցական շըր-
ջանականներից և գնահատված Ամենայն Հա-
յոց Վեհափառ Հայրապետից:

Հանգիստ նրա ոսկորներին:
Խաղաղություն նրա հոգուն:

